



Mas 24, 2017

Chè Fanmi & Gadyen CPS,

Kòm ou ka konnen, Depatman Edikasyon Elemantè ak Segondè Massachusetts (ESE) te konplete yon vas pwosesis pou amelyore kijan li mezire pwogrè elèv yo nan tès Literati Lang Angle [English Language Arts (ELA)] ak Matematik. Evalyasyon sa a, ki refere tankou “MCAS 2.0,” mete pi gwo aksan sou aptitud panse kritik elèv yo bezwen pou yo reyisi nan 21yèm syèk la.

Kijan lekòl yo prepare pou MCAS 2.0?

MCAS 2.0 se yon mezi nan fason elèv yo ap pwogrese anjeneral, e byenke lekòl yo pa angaje nan yon vas “preparasyon tès,” anplwaye yo te travay seryezman pou prepare elèv yo komsadwa pou modèl ak fòm tès la. ESE pa twò lontan de sa te pibliye vèsyon pratik tès la sou papye ak òdinatè pou evalyasyon yo. Pwofesè yo ap familiarize tèt yo avèk materyèl sa yo pou asire ke elèv yo alèz avèk fason yo poze kesyon yo nan tès la. Ou ka jwenn tès sa yo nan: <http://mcas.pearsonsupport.com/tutorial/>.

Kijan elèv yo pral pran tès MCAS 2.0 a?

Nan prentan sa a, elèv nan klas 4 ak 8yèm ane toupatou nan eta gen obligasyon pou pran tès MCAS sou òdinatè, avèk objektif tout klas yo ap fè tranzisyon a tès sou òdinatè nan 2019. Gen kèk lekòl ki te chwazi pou fè evalyasyon an sou òdinatè nan lòt klas yo. Tanpri kontakte m dirèkteman si w ta renmen konnen si gen lòt klas ki pral itilize òdinatè pou pran tès la.

Nou santi nou gen konfyans ke elèv nou yo prepare pou itilize òdinatè pou tès la. Tout lekòl yo nan Cambridge itilize teknoloji regilyèman nan salklas yo, e lekòl yo ap fè “tès pratik” pou familiarize elèv ak pwofesè yo avèk detay teknik tankou, louvri sesyon, navige andedan tès la, epi konplete kesyon egzanp yo. Nou espere ke sa pral asire yon tranzisyon byen fasil nan evalyasyon yo ki baze sou òdinatè.

Èske tès Syans MCAS la ap chanje ane sa a?

Non. Nap kontinye bay tès syans lan sou papye epi sèlman nan klas 5 ak 8 yèm ane nan prentan sa a.

Èske pitit mwen an gen obligasyon pou l patisipe nan MCAS 2.0?

Wi. Lekòl yo gen obligasyon pou bay tès la e tout elèv yo gen obligasyon pou patisipe. MCAS konsidere kòm yon pati obligatwa nan pwogram etid la, ki fèt pou mezire si elèv la te metrize materyèl ki prevwa nan nivo klas yo.

Yon fèb patisipasyon nan MCAS ka lakoz distri lekòl yo resevwa yon nòt fèb nan Eta, e sa ka afekte finansman Eta ak Federal. Rezon an sèke lalwa egziste pou pwoteje Dwa Sivil pou elèv yo aprann, e evalyasyon sa yo nan tout eta se fason pou mezire ansèyman elèv yo. Lè nou fè patisipasyon an vin obligatwa sa pwoteje elèv vilnerab yo nan anpeche pou lekòl yo pa ekskli yo nan tès la nan fason pou jwenn pi bon nòt anjeneral. Lwa a deklare ke yo dwe kenbe lekòl yo responsab - pou ansèyman tout elèv yo. Paske li enpòtan anpil, règleman eskprime nou sèke tès la obligatwa pou tout elèv yo. Daprè lwa eta, elèv yo dwe anmezi pou pase tès MCAS klas 10yèm ane nan fason pou yo diplome nan lekòl segondè.



Kilè elèv yo pral pran tèl MCAS 2.0 a?

Eta bay yon delè pou tèl yo kap kòmanse nan kòmansman mwa avril jiska Me. Chak lekòl ap chwazi dat tèl yo nan delè sa a. Pa gen tèl ki kwonometre.

	Literati lang Angle	Matematik
Klas 3, 4, 5	3 sesyon apeprè 45-75 minit pa jou	2 sesyon Apeprè 65-70 minit pa jou
Klas 6, 7, 8	2 sesyon apeprè 100-110 minit pa jou	2 sesyon apeprè 65-70 minit pa jou

Syans pou klas 5 ak 8yèm ane ap gen tèl tou pandan de jou separe avèk sesyon kap dire apeprè 45 minit chak. Si lekòl ou a poko enfòmè w sou dat yo chwazi a, yap kominike enfòmasyon sa nan pwochen semèn yo.

E pou timoun ki gen andikap ansanm avèk sa kap aprann Angle yo (ELLs)?

ESE te mete sou pye yon vas direktiv pou elèv kap aprann Angle ansanm avèk sa ki gen andikap yo ki ka nan Pwogram Edikasyon Endividyalize (IEP) oswa nan yon Plan 504. Anplwaye lekòl ak Distri a konnen direktiv sa yo e li pral asire ke yo swiv tout akomodasyon ki nesèsè kidonk nou ka evalye avèk presizyon tout elèv yo baze sou konpetans ak ansèyman yo.

Kijan nòt MCAS yo ap afekte elèv ak lekòl mwen an?

Nòt MCAS pa gen okenn enpak sou elèv nan klas 3-8 yèm ane yo. Toutfwa, nòt yo afekte lekòl yo an fonksyon de sistèm responsabilite nan nivo tout eta. Ane sa a, pousantaj patisipasyon an prevwa pou l adapte pi siyifikativman nan kad responsabilite pase nan tan lontan. Anplwaye lekòl yo ap travay aktivman pou diminye nenpòt estrès oswa angwas elèv yo ta genyen. Si pitit ou ta gen nenpòt angwas sou tèl la, nou envite w pou konsidere eksplike l ke tèl se yon fason pou evalye lekòl yo - men se pa yon mezi pou elèv yo. Pa gen okenn rezon pou elèv yo enkyete sou pèfòmans yo nan tèl sa a. Pi bon konsèy la se pou elèv yo pran bon repo epi fè tout sa yo kapab.

Kijan map fè konnen kijan elèv oswa lekòl mwen an te pèfòme nan tèl MCAS 2.0?

Nou espere DESE ap pibliye nòt yo epi voye yo bay fanmi ak paran ki gen gad legal yo nan kòmansman otòn 2017

Kimoun mwen ta dwe kontakte si m gen kesyon?

Nou ankouraje w pou kontakte direktè lekòl ou a si w ta gen nenpòt kesyon oswa enkyetid sou MCAS 2.0.

Nou konnen ki kantite travay enkwayab ki konsakre a ansèyman chak jou nan CPS e nou gen konfyans ke elèv nou yo prepare pou demontre avèk siksè sa yo konnen -- nan evalyasyon sa a ansanm avèk nan travay kontinyèl yo nan lekòl. Mèsi paske ou kontinye ap kolabore avèk nou nan travay enpòtan sa a.

Kòdyalman,



Dr. Kenneth Salim, Direktè
Cambridge Public Schools